

**«ՀԱՅԱՍՏԱՆԻ ՊԵՏԱԿԱՆ ՏՆՏԵՍԱԳԻՏԱԿԱՆ ՀԱՄԱԼՍԱՐԱՆ»
ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ԳԻՏԱԿԱՆ ԽՈՐՀՐԴԻ**

ՈՐՈՇՈՒՄ

30 Նոյեմբերի 2023, N 5 - 1

**2022-2023 ՈՒՍՈՒՄՆԱԿԱՆ ՏԱՐՎԱ ԵՐԿՐՈՐԴ ԿԻՍԱՄՅԱԿԻ
ՔՆՆԱՇՐՋԱՆԻ ԱՐԴՅՈՒՆՔՆԵՐԻ ՄԱՍԻՆ**

Լսելով և քննարկելով «**2022-2023 ուսումնական տարվա երկրորդ կիսամյակի քննաշրջանի արդյունքների մասին**» հարցը (զեկուցող՝ ուսումնական աշխատանքների գծով պրոռեկտոր, տնտեսագիտության թեկնածու, դոցենտ Ա.Վ.Գրիգորյան)՝ գիտական խորհուրդն արձանագրում է. կիսամյակի ընթացքում ռեկտորատը, ուսումնական բաժինը, դեկանատները և ամբիոնները պատշաճ աշխատանք են կատարել երկրորդ կիսամյակի ուսումնական գործընթացը և քննաշրջանը կազմակերպելու ուղղությամբ: Կիսամյակի ընթացքում ուսումնառված դասընթացների յուրացման աստիճանը ստուգելու նպատակով ուսանողների գիտելիքի ստուգումները կազմակերպվել են գործող կարգի պահանջներին համապատասխան՝ ըստ ուսումնական պլաններում դասընթացների գիտելիքի ստուգման մատնանշված եղանակների: Ուսանողների ընթացիկ ակտիվությունը և բացակայությունները հաշվառվել են UMS համակարգում, ուսումնառության նյութերի տրամադրման համար Moodle հարթակում ձևավորված 2208 մոդուլներից, գործող ձևաչափին համապատասխան, փետրվարի 16-ի դրությամբ պատշաճ լրացված են եղել 98%-ը: Քննագրաֆիլիների խախտման դեպքեր չեն արձանագրվել:

2022-2023 ուսումնական տարվա երկրորդ կիսամյակի քննաշրջանին (առանց 1-ին և 2-րդ վերահանձնումների) մասնակցել են բակալավրի և մագիստրոսի կրթական ծրագրերի առկա և հեռակա կրթաձևերի 4912 ուսանողներ, որոնք բոլոր մասնագիտական կրթական ծրագրերի առաջին կիսամյակում ներառված 586 դասընթացների գծով (այդ թվում 394-ը՝ քննությամբ ավարտվող, 192-ը՝ ստուգարքով ավարտվող) մասնակցել են 37557 գիտելիքի ստուգման: **Ուսման առաջադիմությունը կազմել է 66%:** Առաջադիմությունը զգալի բարձր է առկա և հեռակա ուսուցման մագիստրատուրայում և առկա ուսուցման բակալավրիատում, էապես ցածր է հեռակա ուսուցման բակալավրիատում:

1671 ուսանող (բոլոր ուսանողների 34%-ը) մեկ կամ ավելի դասընթացից ունեցել է վերահանձնում: Ընդհանուր առմամբ, 1671 ուսանողներ միասին վերցրած ունեցել են **4268** վերահանձնում: 2-րդ վերահանձնմանը մասնակցել է **927** ուսանող (բոլոր ուսանողների 18,8%-ը), որոնք միասին վերցրած ունեցել են **2327** վերահանձնում: Առավելագույնը 12 կրեդիտ կազմող ակադեմիական պարտքերի 1-ին վերահանձնմանը մասնակցել է **230** ուսանող (բոլոր ուսանողների 4,6%-ը), որոնք միասին վերցրած մասնակցել են 308 վերահանձնման: Առավելագույնը 12 կրեդիտ կազմող ակադեմիական պարտքերի 2-րդ վերահանձնմանը մասնակցել է **127** ուսանող (բոլոր ուսանողների 2,5%-ը), որոնք միասին վերցրած մասնակցել են 150 վերահանձնման: **44** ուսանող 51 քննության 2-րդ վերահանձնումը տեղափոխել է այլ կիսամյակ: **180** ուսանող (բոլոր ուսանողների 3,7%-ը) քննաշրջանի արդյունքներով հեռացվել է համալսարանից: Ըստ կրթական ծրագրերի և կրթաձևերի՝ քննաշրջանի ընթացքում արձանագրվել են հետևյալ արդյունքները.

1. Առկա ուսուցման բակալավրիատի 1-3-րդ կուրսերի **2823** ուսանող մասնակցել է **24205** գիտելիքի ստուգման: Նրանցից անբավարար գնահատականներ են ստացել **750**-ը: Առաջադիմությունը կազմել է **73,4%** նախորդ կիսամյակի **76%-ի** համեմատ: 2-րդ վերահանձնմանը մասնակցել է **420** ուսանող: Առավելագույնը 12 կրեդիտ կազմող ակադեմիական պարտքերի 1-ին վերահանձնմանը մասնակցել է **180** ուսանող, 2-րդ վերահանձնմանը՝ **104** ուսանող: Առավելագույնը 12 կրեդիտ կազմող ակադեմիական պարտքերի վերահանձնումը այլ կիսամյակ է տեղափոխել **21** ուսանող: Քննաշրջանի արդյունքներով համալսարանից հեռացվել է **119** ուսանող:

2. Հեռակա ուսուցման բակալավրիատի 1-4-րդ կուրսերի **1777** ուսանող մասնակցել է **11244** գիտելիքի ստուգման: Նրանցից անբավարար գնահատականներ են ստացել **867**-ը: Առաջադիմությունը կազմել է **51,2%** նախորդ կիսամյակի **59%-ի** համեմատ: 2-րդ վերահանձնմանը մասնակցել է **482** ուսանող: Առավելագույնը 12 կրեդիտ կազմող ակադեմիական պարտքերի 1-ին վերահանձնմանը մասնակցել է **50** ուսանող, 2-րդ վերահանձնմանը՝ **22** ուսանող: Առավելագույնը 12 կրեդիտ կազմող ակադեմիական պարտքերի վերահանձնումը այլ կիսամյակ է տեղափոխել **23** ուսանող: Քննաշրջանի արդյունքներով համալսարանից հեռացվել է **58** ուսանող:

3. Առկա ուսուցման մագիստրատուրայի 1-ին կուրսի **256** ուսանող մասնակցել է **1886** գիտելիքի ստուգման: Նրանցից անբավարար գնահատականներ են ստացել **45**-ը: Առաջադիմությունը կազմել է **82,4%** նախորդ կիսամյակի **79%-ի** համեմատ: 2-րդ վերահանձնմանը մասնակցել է **24** ուսանող: Առավելագույնը 12 կրեդիտ կազմող ակադեմիական պարտքեր վերահանձնած

ուսանողներ չեն եղել: Քննաշրջանի արդյունքներով համալսարանից հեռացվել է 3 ուսանող:

4. Հեռակա ուսուցման մագիստրատուրայի 1-2-րդ կուրսերի 56 ուսանող մասնակցել է 222 գիտելիքի ստուգման: Նրանցից անբավարար գնահատականներ են ստացել 9-ը: Առաջադիմությունը կազմել է 83,9% նախորդ կիսամյակի 73%-ի համեմատ: 2-րդ վերահանձնմանը մասնակցել է 1 ուսանող: Քննաշրջանի արդյունքներով համալսարանից հեռացվող ուսանող չի եղել:

Առկա ուսուցման բակալավրիատում ուսման առաջադիմությունը կազմել է 73,4%: Այն շարունակել է նվազել վերջին տարիների նույն ցուցանիշի համեմատությամբ (2022-2023 1-ին կիսամյակ՝ 76%, 2021-2022՝ 78%, 2020-2021՝ 83,5%, 2019-2020՝ 84,7%, 2018-2019՝ 86,9%), ինչը հիմնականում պայմանավորվել է գնահատման գործընթացի նկատմամբ սահմանված հավելյալ վերահսկողությամբ: Հեռակա ուսուցման բակալավրիատում ուսման առաջադիմությունը կազմել է 51,2% (2022-2023 1-ին կիսամյակ՝ 59%, 2021-2022՝ 58,1%):

Առկա ուսուցման մագիստրատուրայում ուսման առաջադիմությունը կազմել է 82,4% (2022-2023 1-ին կիսամյակ՝ 79%, 2021-2022՝ 84,8%), հեռակա ուսուցման մագիստրատուրայում՝ 83,9% (2022-2023 1-ին կիսամյակ՝ 73%, 2021-2022՝ ուսումնական տարվա երկրորդ կիսամյակ՝ 91,1%):

Նախորդ կիսամյակի քննաշրջանի համեմատությամբ ուսման առաջադիմությունը առկա ուսուցման բակալավրիատում նվազել է 2,6%-ով, հեռակա ուսուցման բակալավրիատում՝ 7,8%-ով, առկա ուսուցման մագիստրատուրայում աճել է 3,4%-ով, հեռակա ուսուցման մագիստրատուրայում՝ 10,9%-ով:

Առկա ուսուցմամբ բակալավրի կրթական ծրագրերում 24205 գիտելիքի ստուգման արդյունքում արձանագրվել է 1764 բացասական գնահատական (7%), 16232 գնահատական եղել է 8,0-14,0 միջակայքում (67%), 2344 գնահատական՝ 14,01-17,0 միջակայքում (10%) և 3865 գնահատական՝ 17,01-20,0 միջակայքում (16%): Առկա ուսուցմամբ բակալավրի կրթական ծրագրերում «գերազանց» և «լավ» առաջադիմությամբ ուսանողների տեսակարար կշիռները նախորդ կիսամյակի համեմատությամբ աճել են:

Հեռակա ուսուցմամբ բակալավրի կրթական ծրագրերում 11244 գիտելիքի ստուգման արդյունքում արձանագրվել է 2330 բացասական գնահատական (21%), 6288 գնահատական եղել է 8,0-14,0 միջակայքում (56%), 1251 գնահատական՝ 14,01-17,0 միջակայքում (11%) և 1375 գնահատական՝ 17,01-20,0 միջակայքում (12%): Հեռակա ուսուցմամբ բակալավրի կրթական ծրագրերում «գերազանց» և «լավ»

առաջադիմությամբ ուսանողների տեսակարար կշիռները նախորդ կիսամյակի համեմատությամբ մնացել են անփոփոխ:

Առկա ուսուցմամբ մագիստրոսի կրթական ծրագրերում **1886** գիտելիքի ստուգման արդյունքում արձանագրվել է **161** բացասական գնահատական (9%), **385** գնահատական եղել է 8,0-14,0 միջակայքում (20%), **203** գնահատական՝ 14,01-17,0 միջակայքում (11%) և **1137** գնահատական՝ 17,01-20,0 միջակայքում (60%): Առկա ուսուցմամբ մագիստրոսի կրթական ծրագրերում «գերազանց» և «լավ» առաջադիմությամբ ուսանողների տեսակարար կշիռները նախորդ կիսամյակի համեմատությամբ աճել են:

Հեռակա ուսուցմամբ մագիստրոսի կրթական ծրագրերում **222** գիտելիքի ստուգման արդյունքում արձանագրվել է **5** բացասական գնահատական (6%), **105** գնահատական եղել է 8,0-14,0 միջակայքում (47%), **37** գնահատական՝ 14,01-17,0 միջակայքում (17%) և **67** գնահատական՝ 17,01-20,0 միջակայքում (30%): Հեռակա ուսուցմամբ մագիստրոսի կրթական ծրագրերում «գերազանց» և «լավ» առաջադիմությամբ ուսանողների տեսակարար կշիռները նախորդ կիսամյակի համեմատությամբ աճել են:

Համակարգչային և բանավոր քննություններից ամփոփիչ քննությունների փուլում **8,0-14,0** միջակայքում գնահատականների տեսակարար կշիռները կազմել են համապատասխանաբար 34% և 66%, **14,1-17,0** միջակայքում՝ 40% և 60%, **17,1-20,0** միջակայքում՝ 14% և 86%, **անբավարար գնահատականի** միջակայքում՝ 44% և 56%, **2-րդ վերահանձնման փուլում՝** 56% և 44%, իսկ **առավելագույնը 12-րդ կրեդիտ կազմող ակադեմիական պարտքերի վերահանձնման 2 փուլերում՝** 83% և 7%:

Ըստ ֆակուլտետների ուսման առաջադիմությունը միջին բուհականից (66%) զգալի բարձր է մարքեթինգի և բիզնեսի կազմակերպման (74,6%) ֆակուլտետում, բարձր է ֆինանսական (68,8%) ֆակուլտետում, մոտ է միջինին հաշվապահական հաշվառման և աուդիտի (67%) ֆակուլտետում, ցածր է կառավարման (61,9%) ֆակուլտետում, էապես ցածր է տնտեսության կարգավորման և միջազգային տնտեսական հարաբերությունների (59%) և ինֆորմատիկայի և վիճակագրության (63%) ֆակուլտետներում:

Առկա ուսուցմամբ բակալավրի կրթական ծրագրերում առաջադիմությունը միջին բուհականից (73,4%) բարձր է մարքեթինգի և բիզնեսի կազմակերպման (78,4%), ֆինանսական (78%) և հաշվապահական հաշվառման և աուդիտի (76,9%) ֆակուլտետներում, մոտ է միջինին կառավարման (74,6%) ֆակուլտետում, միջինից էապես ցածր է տնտեսության կարգավորման և միջազգային տնտեսական

հարաբերությունների (65,7%) և ինֆորմատիկայի և վիճակագրության (61,8%) ֆակուլտետներում:

Հեռակա ուսուցմամբ բակալավրի կրթական ծրագրերում առաջադիմությունը միջին բուհականից (51,2%) զգալի բարձր է մարքեթինգի և բիզնեսի կազմակերպման (66,1%), ֆինանսական (59,3%) և ինֆորմատիկայի և վիճակագրության (57,1%) ֆակուլտետներում, ցածր է հաշվապահական հաշվառման և աուդիտի (46,2%) ֆակուլտետում, էապես ցածր է կառավարման (46,2%) և տնտեսության կարգավորման և միջազգային տնտեսական հարաբերությունների (35,7%) ֆակուլտետներում:

Առկա ուսուցմամբ մագիստրոսի կրթական ծրագրերում առաջադիմությունը միջին բուհականից (82,4%) զգալի բարձր է հաշվապահական հաշվառման և աուդիտի (92,7%) ֆակուլտետում, բարձր է ինֆորմատիկայի և վիճակագրության (86,7%) ֆակուլտետում, մոտ է միջինին ֆինանսական (83,7%) և տնտեսության կարգավորման և միջազգային տնտեսական հարաբերությունների (83,7%) ֆակուլտետներում, իսկ միջինից ցածր է մարքեթինգի և բիզնեսի կազմակերպման (76,9%) և կառավարման (76,8%) ֆակուլտետներում:

Հեռակա ուսուցմամբ մագիստրոսի կրթական ծրագրերում առաջադիմությունը միջին բուհականից (83,4%) զգալի բարձր է մարքեթինգի և բիզնեսի կազմակերպման (100%) ֆակուլտետում, բարձր է տնտեսության կարգավորման և միջազգային տնտեսական հարաբերությունների (85,7%) ֆակուլտետում, ցածր է հաշվապահական հաշվառման և աուդիտի (79,3%) և ֆինանսական (80%) ֆակուլտետներում:

Արձանագրելով կատարված աշխատանքները՝ գիտական խորհուրդը, միաժամանակ, նշում է, որ դեռևս կան թերություններ և չլուծված խնդիրներ.

1. Թեպետ ուսանողների գնահատումը բարելավվել և ավելի արժանահավատ է դարձել, իսկ բանավոր քննությունների արդյունքները բացասական և միջին գնահատականների միջակայքում և 2-րդ վերահանձնման փուլում էապես մոտեցել են համակարգչային քննությունների արդյունքներին, սակայն գնահատման անաչառությունը դեռևս շարունակում է մնալ ոչ բավարար՝ հատկապես 17,01-20,0 միավորի միջակայքում, ինչպես նաև առավելագույնը 12 կրեդիտ կազմող ակադեմիական պարտքերի վերահանձնումների փուլում:
2. Հոսքային առարկաների գծով միևնույն դասընթացի դասախոսների գնահատման քաղաքականությունը շարունակում է որոշակիորեն շեղված մնալ տնտեսագիտության տեսության, բարձրագույն

մաթեմատիկայի, ֆինանսների, տնտեսամաթեմատիկական մեթոդների ամբիոններում, որտեղ դասախոսների գնահատականները միմյանցից տարբերվում են 1,5-2,5 միավորով:

3. Միջին առաջադիմության ցուցանիշից տարբեր ֆակուլտետների արդյունքները՝ հատկապես մարքեթինգի և բիզնեսի կազմակերպման ֆակուլտետի, ըստ կրթաձևերի և կրթական ծրագրերի, շարունակում են զգալիորեն միմյանցից շեղված մնալ:
4. Առկա ուսուցմամբ բակալավրի կրթական ծրագրերում համակարգչային ստուգմանը ուսանողների մասնակցությունը մտահոգիչ ցածր մակարդակի վրա է, ինչն էական բացասական ազդեցություն ունի առկա ուսուցմամբ բակալավրի կրթական ծրագրերում առաջադիմության ցուցանիշի կրճատման համատեքստում:
5. Հեռակա ուսուցմամբ բակալավրի կրթական ծրագրերի միջին առաջադիմության ցուցանիշը շարունակում է մնալ մտահոգիչ ցածր և դրսևորում է անկման միտում:
6. Ընդհանուր առմամբ, թեպետ «գերազանց» և «լավ» գնահատականներով քննաշրջանն ամփոփող ուսանողների տեսակարար կշիռներն ավելացել են, սակայն այս ուսանողների թվում համակարգչային քննություններից նման արդյունքի զգալի ցածր տեսակարար կշիռը շարունակում է մնալ մտահոգիչ:
7. Քննաշրջանի արդյունքներով ուսանողների հեռացումների մեջ առկա կրթաձևի տեսակարար կշիռը շարունակում է բարձր մնալ, քան հեռակայինը:
8. Ընդհանուր առմամբ, առաջադիմության ցուցանիշի դինամիկան շարունակում է մտահոգիչ մնալ հատկապես բուհի զարգացման ռազմավարության նպատակային թիրախի ապահովման համատեքստում:

Ելնելով վերոգրյալից՝ «Հայաստանի պետական տնտեսագիտական համալսարան» պետական ոչ առևտրային կազմակերպության գիտական խորհուրդը որոշում է.

1. Հանձնարարել ռեկտորատին՝

- 1) արձանագրված թերությունների վերացման համար մշակել որոշակի միջոցառումներ՝ նշելով պատասխանատուներին:

2. Հանձնարարել դեկաններին՝

- 1) շարունակել դասաձախողումների մշտադիտարկումները, դրանց դեպքերը քննարկել ֆակուլտետների գիտական խորհուրդների և ամբիոնների նիստերում՝ անհրաժեշտության դեպքում հարցը դարձնելով նաև ռեկտորատի քննարկման առարկա.
- 2) շարունակել վերահսկողությունը հատկապես հեռակա կրթաձևում ուսանողների հաճախումների նկատմամբ, բացակայող և ցածր առաջադիմություն ունեցող ուսանողների հետ կատարել բացատրական աշխատանքներ.
- 3) ֆակուլտետի ամբիոններում ներգրավված ակադեմիական կազմի կողմից ուսանողների գիտելիքի ստուգմամբ արձանագրած գնահատականների, վերահանձնումների, հեռացումների միջին վիճակագրական ցուցանիշներից շեղում ունեցող դեպքերը դարձնել ֆակուլտետների գիտական խորհուրդների քննարկման առարկա.
- 4) խիստ հսկողություն սահմանել էլեկտրոնային մատյանների լրացման նկատմամբ.
- 5) մեծացնել ֆակուլտետի վերահսկողությունը հատկապես ակտիվության բաղադրիչի գնահատման և բանավոր քննությունների վերահանձնումների նկատմամբ:

3. Հանձնարարել ամբիոնի վարիչներին՝

- 1) հաճախակիացնել դասալսումները միջին ցուցանիշից շեղված գնահատման քաղաքականություն ունեցող դասախոսների գնահատման պրակտիկայի նկատմամբ.
- 2) խիստ վերահսկողություն սահմանել Moodle հարթակ վերբեռնվող նյութերի բովանդակության նկատմամբ.
- 3) մեծացնել ցածր առաջադիմություն ունեցող ուսանողների հետ արտալսարանային աշխատանքի ծավալները՝ հսկողություն սահմանելով դասախոսների արտալսարանային աշխատանքի պատշաճ ծավալով կատարման նկատմամբ.
- 4) ակտիվացնել կուրսղեկների ինստիտուտը հատկապես բակալավրիատի 1-ին կուրսերում.
- 5) բացառել առանց հանձնաժողովների բանավոր քննությունների անցկացման դեպքերը, իսկ հանձնաժողովների կազմը նախքան քննաշրջանի մեկնարկը տրամադրել դեկանատներին.

6) ամբիոններում քննարկել քննությունների ձևաչափի փոփոխության հարցը և ներկայացնել առաջարկություններ ուսանողների գիտելիքի բանավոր ստուգման նոր ձևաչափերի վերաբերյալ:

4. Սույն որոշումը քննարկել ամբիոնների և ֆակուլտետների գիտական խորհուրդների նիստերում, մշակել միջոցառումներ ուսումնական գործընթացը բարելավելու ուղղությամբ:

5. Սույն որոշման կատարման նկատմամբ վերահսկողությունը վերապահել ուսումնական աշխատանքների գծով պրոռեկտոր Ա.Վ.Գրիգորյանին:

Գիտական խորհրդի նախագահ՝



Դ. Ռ. Գալոյան

2023 թ. նոյեմբեր 30
Երևան